



Republika e Kosovës
Republika Kosovo / Republic of Kosovo



Komuna e Rahovecit
Opština Orahovac / Municipality Rahovec

Drejtoria për Bujqësi, Pylltari dhe Zhvillim Rural

INFORMATË



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

Janar – Qershorë - 2026

-III- Nr. i prot. 3242 Më 21.08.2020
Br. prct. Dt. 2020
RAHOVEC - ORAHOVAC



Përmbajtja

DREJTORIA PËR BUJQËSI, PYLLTARI DHE ZHVILLIM RURAL	3
Aktivitetet në periudhën: janar, shkurt, mars	3
Aktivitet në muajin janar	3
Aktivitetet në muajin shkurt.....	4
Aktivitetet në muajin mars.....	6
Aktivitetet në periudhën: prill, maj, qershor.....	6
Aktivitetet në muajin prill.....	6
Aktivitetet në muajin Maj.....	7
Projektet e investimeve kapitale	8
Rregullimi i Rrugëve Fushore.....	8
Pastrimi i Përrenjëve	8
Kanalet Kulluese	9
Depo Bujqësore	9
PËRFUNDIM	9

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Fillimi i vitit është karakterizuar me përpilimin e planit të punës për vitin 2026, plani i hartuar është mjaft ambicioz i cili ka ngërthyer në vete aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve.

Gjatë këtij viti, përveç aktiviteteve të planifikuara, Komuna është përballur edhe me vërshime në disa zona të territorit të saj. Vërshimet e datave 5, 6 dhe 7 janar kanë shkaktuar dëme të konsiderueshme, si në sektorin e bujqësisë, duke dëmtuar të mbjellat e fermerëve, ashtu edhe në infrastrukturën rrugore fushore, përfshirë rrugët, urat dhe përroskat.

Për shkak të gjendjes së krijuar, Drejtoria ka formuar një fazë emergjente të ndërhyrjes me qëllim sanimin dhe rikthimin në funksion të rrugëve fushore, urave dhe infrastrukturës tjetër të dëmtuar, duke ndërmarrë veprimet e nevojshme për lehtësimin e qarkullimit dhe mbështetjen e komunitetit të prekur.

Aktivitetet në periudhën: janar, shkurt, mars

Në kuadër të drejtorisë së BPZHR-së, nga janari janë realizuar një mori aktivitete.

Aktivitetet të cilat kryhen vazhdimisht, siq janë pranimi dhe përgjigje ndaj kërkesave të ndryshme nga qytetarët, si dhe shërbime të tjera në kuadër të drejtorisë si: vërtetim për fermer që dëshmon se janë prodhues bujqësorë, NIF, ndërrim i destinimit të tokës bujqësore, vlerësim të dëmeve të shkaktuara në sektorin e bujqësisë etj.

Ndërsa aktivitetet më kryesore paraqiten të specifikuara sipas kohës në të cilën kanë ndodhur.

Aktivitet në muajin janar

- Ashtu siç e kemi paraparë me planin vjetor të punës, pranimi i aplikacioneve për subvencionim të qumështit për gjashtëmujorin e dytë të vitit 2025 për fermerët blegtor (MBPZHR), hap thirrjen për aplikim, Drejtoria e BPZHR-së pranon aplikacionet dhe të njëjtat i dorëzon në Ministri për pagesë. Kjo thirrje ka qenë e hapur nga: **15 janar deri më 27 shkurt 2026.**

- Gjithësej kanë aplikuar 90 blegtorë, prej tyre:
76 fermerë kanë aplikuar për qumësht me gjithsej:
1.976,307 litra qumësht.
19 prej tyre janë aplikues për viqa me gjithsej
299 krerë të viçave për majmëri
1 fermer për brojlerë me 53054 copë
1 fermerë për therje me 126 krerë.



- Vlerësimi i punëtorëve për vitin 2025
- Pranimi i kërkesave të ndryshme, kryesisht për rregullimin e rrugëve fushore, ndërrim destinime, nifa.
- Pas kërkesave të shumta për dëme, zyrtarët e DBPZHR-së që kanë qenë pjesë e Komisioneve për vlerësimin e dëmeve kanë dalur në terren për vlerësimin e tyre.
- Vlera e Dëmeve në Bujqësi sipas kërkesave ka qenë **165,178.64 €**.
- Dëmet e shkaktuara nga vërshimet e muajit janar të këtij viti në rrugët fushore, urat dhe përroskat kanë qenë të konsiderueshme. Sipas vlerësimeve të bëra, vlera e përgjithshme e dëmeve arrin në rreth **130,000 €**.

Aktivitetet në muajin shkurt

- E kemi shpallur thirrjen publike për aplikim për të gjitha bizneset që merren me grumbullimin dhe përpunimin e perimeve, kryesisht të Trangullit Kornishan dhe specit që kanë të siguar treg për shitjen e këtij produkti. Përmes kësaj marrëveshje do të mbulohen: Fidanet cilësore të trangullit, Plehërimi dhe Riplehërimi (kristalorët), Pesticidet, Mulqerimi (Folia e zezë), Sistemi i ujitjes pikë-pikë. Thirrja ka qenë e hapur nga 27.02.2026 deri më 13.03.2026.
- Poashtu është formuar komisioni dhe është publikuar vendimi për përfituesin, si dhe është nënshkruar kontrata.



- Veterinari i punësuar në DBPZHR, ka vaksinuar bagëtitë falas për të parandaluar sëmundjet infektive, Janë vaksinuar gjithsej **2126** bagëti të trasha me vaksinën Cubolac, pas perfundimit të vaksinimit të bagëtive të trasha do të filloj vaksinimi edhe i bagëtive të imta.



Raport mbi procesin e vaksinimit kundër Clostridiumit (CUBOLAC)

- Procesi i vaksinimit me vaksinën **CUBOLAC (Clostridium)** për lopët qumështore dhe viçat është zhvilluar në periudhën nga **05.02.2026** deri më **04.03.2026**, duke përfunduar me sukses.
- Gjatë realizimit të vaksinimit në terren nuk është shënuar asnjë incident. Megjithatë, disa ferma kanë refuzuar vaksinimin e gjedheve, deleve dhe dhive, pavarësisht informimit dhe vizitave të ekipit veterinar.
- Gjatë procesit të vaksinimit janë vizituar dhe vaksinuar gjithsej **99 ferma**.
- Sa i përket gjendjes shëndetësore të kafshëve, në gjedhët e komunës sonë sëmundjet që paraqiten më shpesh janë **tuberkulozi (TBC), bruceloza, klostridioza (Clostridium)**, si dhe sëmundje të tjera infektive, të cilat monitorohen dhe trajtohen në përputhje me programet veterinare në fuqi.
- Komisioni i formuar për mbikëqyrjen e realizimit të kontratave për dhënien në shfrytëzim të pronës së paluajtshme të komunës ka dalur në terren, dhe e ka përfunduar raportin për të gjithë fermerët që kanë në shfrytëzim këto prona.
- Pranimi i kërkesave të ndryshme, kryesisht për rregullimin e rrugëve fushore, ndërrim destinime, nifa.
- Kemi vizituar fermerë të ndryshëm, stalla, fidanishte, serra, pika grumbulluese etj.



Aktivitetet në muajin mars

- Gajtë muajit mars është hapur thirrja: Përkrahja e Fermerëve me Pleh Artificial. Thirrja ka qenë e hapur nga 02.03.2026 deri më 19.03.2026. Gjithsej kanë aplikuar 1146 fermerë.
- Është formuar komisioni i cili do të vlerësojë aplikacionet dhe do të shpallë listën e përfituesve.



Aktivitetet në periudhën: prill, maj, qershor

Aktivitetet në muajin prill

- Kemi pranuar dy kërkesa për ndërrim destinim të tokës bujqësore janë dhënë leje për ndërtimin e parkut solar të energjis, si dhe janë realizuar të hyrat në buxhetin e Komunës.
- Kemi pranuar disa kërkesa për rregullimin e rrugëve fushore, në Ratkoc, Xërxe, Malësi etj, ju kemi kthyer përgjigje të gjithave.
- Kemi vizituar Agrocelinën për të parë më afër shpërndarjen e materialit tek fermerët të cilët kanë kontratë me Komunën. Ky projekt përfshin shpërndarjen e sistemit të ujitjes, plehut kristalor, pesticideve si dhe materialeve të tjera të nevojshme për sera.

Në këtë iniciativë, Drejtoria e Bujqësisë subvencionon fermerët me 80%, ndërsa kompania Agro Celina kontribuon me 20%. Në kuadër të këtij projekti do të mbështeten gjithsej 150 fermerë, duke përfutur rreth 500,000 fidane, të cilat do të mbillen në një sipërfaqe prej 12 hektarësh. Prej tyre, 7 hektarë do të mbillen me tranguj, ndërsa 5 hektarë me specat kërtoq.



Pas vlerësimit të aplikacioneve nga komisioni, fermerët të cilët kanë plotësuar kriteret e parapara sipas thirrjes për aplikim me nr. të Prot. 1025 të datës 02.03.2026, janë shpallur përfutues të plehut pas verifikimit në programin Elpis të Subvencioneve për vitin 2025. Gjithsej janë **1130** përfutues të plehut, dhe janë ndarë në dy faza, fillimisht është bërë publike lista e fazës së parë, të cilët janë njoftuar për kryerjen e participimit prej 20%.



Aktivitetet në muajin Maj

- Kemi vazhduar me participimin e pagesave të plehut artificial si dhe kemi bërë shpërndarjen e plehut artificial, gjithsej **423** fermerë janë furnizuar me pleh nga lista e fazës së parë.
- Gjatë muajit maj e kemi publikuar edhe listën e fazës së dytë, të cilë janë duke e kryer participimin prej 20% dhe do të njoftohen për shpërndarjen e plehut.
- Veterinari i punësuar në DBPZHR, ka vaksinuar bagëtitë falas për të parandaluar sëmundjet infektive, Janë vaksinuar gjithsej **7320** bagëti të imta me vaksinën Cubolac
- Gajtë muajit maj është hapur thirrja: "Përkrahja e fermerëve me preparate për luftimin e insektit **"CIKADIA"** dhe trajtim me dron në vreshtat e hardhisë së rrushit" Thirrja ka qenë e hapur nga 18.05.2026 deri më 01.06.2026 mirëpo është bër zgjatja e afatit është për shkak të problemeve teknike te sistemi i lëshimit të vërtetimit të tatimit në pronë. Afati për aplikim është deri me datë 12.06.2026.

Projektet e investimeve kapitale

Të gjitha këto punime në rrugë dhe pastrime të përrenjve janë realizuar në kuadër të fazës emergjente, të paraparë pas vërshimeve të janarit.

Rregullimi i Rrugëve Fushore

Janë rregulluar këto rrugë fushore:

Sanimi i rrugëve fushore në fshatin **Polluzhë**, në lokacionin “Livadhet e Morinëve”,

Sanimi i rrugëve fushore në fshatin **Drenoc**, te Kroi i Demirit, si dhe në rrugën Zhagavica.

Sanimi i rrugëve fushore në rrugët e vreshtave në **Rahovec** në zonat **Hamoc dhe Berrnjak**, ku gjendja ka qenë e vështirë dhe në disa raste rrugët të pakalueshme.

Sanimi i rrugëve fushore në fshatin **Celinë**.

Sanimi i rrugëve fushore në fshatin në fshatin **Radostë**.



Pastrimi i Përrenjëve

Punimet janë zhvilluar në fshatin **Zaqisht**, ku ekipet në terren e kanë kryer pastrimin e shtratit të përrenjve, me qëllim të mirëmbajtjes së rrjedhës së ujërave dhe parandalimit të vërshimeve.

Punimet janë zhvilluar në fshatin **Xërxë**, ku ekipet në terren kanë kryer pastrimin e shtratit të përrenjve, me qëllim të mirëmbajtjes së rrjedhës së ujërave dhe parandalimit të vërshimeve.

Kemi realizuar punimet në **Rahovec** rrugës për **Brestovc**, ku është bërë pastrimi i një përrua që ishte bllokuar nga mbeturinat dhe ujërat e zeza.

Në kuadër të projektit për pastrimin e përrenjve dhe kanaleve të kullimit të tokave bujqësore, Drejtoria e Bujqësisë e Komunës së Rahovecit ka intervenuar edhe në kanalën e kullimit në fshatin Celinë.



Kanalet Kulluese

Pas reshjeve të fundit dhe grumbullimit të ujit në tokat bujqësore në fshatin **Xërxë**, Ekipet tona në terren kanë intervenuar me mjete dhe mekanizëm për pastrimin e kanaleve kulluese dhe hapjen e rrjedhës së lirë të ujit, me qëllim parandalimin e dëmeve në kulturat bujqësore dhe rikthimin e kushteve normale për punimin e tokës.

Kemi punuar në pastrimin e kanalit të kullimit në fshatin **Fortesë**.

Kemi intervenuar në kanalën e kullimit ndërmjet fshatit **Fortesë** dhe fshatit **Celinë**.

Kemi punuar në pastrimin e kanalit të kullimit në fshatin **Senoc** si dhe janë rregulluar 3 ura (me gypa fi 1200).

Depo Bujqësore

Janë duke vazhduar punimet

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Zyrtarët kanë qenë të gatshëm për çdo vlerësim dëmi me të cilët fermerët e komunës sonë ballafaqohen, ata dalin në terren në qdo fatkeqësi natyrore që ndodh dhe dëmton kulturat bujqësore.

Zyrtarët ju dalin në ndihmë fermerëve për çdo kërkesë të tyre, duke komunikuar me ta dhe duke mos hezituar.

04.06.2026

Rahovec

DREJTORI IDBPZHR-së

Behar Thaqi

